



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

Meditationes à septuagesima usque ad Quasdragesimam,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

VI. DIE SABBATHO.

De Baptismo Christi.

1. *Consid.* Quomodo *Agnus Dei*.
Joan. 1. purissimus venerit ad Joannem
humanitate tectus, tanquam peccator
aqua perfusus sit.

2. *Consid.* Quomodo cœli statim a-
perti sint, & Spiritus S. in columbæ
specie descendente, vox Patris audita
est. Matth. 3. *Hic est filius meus dilectus,*
in quo mihi bene complacui.

Applicatio. Non aliter nunc in Missa
Christo speciebus panis ac vini tecto,
atque ad nos descendente, aperiuntur
cœli, ut dona cœlestia in nos effundan-
tur, ac pater cœlestis, illustrationis suæ
voce testatur, hunc esse filium unigeni-
tum, propter quem alii adoptivi dili-
guntur.

PRO TRIBUS SEPTAMANIS
à Septuagesima ad Quinquage-
simam.

Poterunt hoc tempore considerari 7.
convivia Christi, quibus repræsen-
tantur

tantur ea, quæ in hoc cœlesti convivio
peraguntur.

I. DIE DOMINICO.

De nuptiis in Cana Galilee.

1. *Consid.* Quomodo Christus invi-
tatus ad nuptias, ab hominibus tenuio-
ribus venire non recusaverit, ut illis
bene faceret.

2. *Consid.* Quomodo vino deficien-
te, jusserit hydrias 6 impleri aqua,
quam ipse in vinum valde præstans con-
vertit, ut defectum quo laborabant
convivæ suppleret, & ipsis aliquid læ-
tiæ conferret.

Applicatio. Simile quid in hoc cœlesti
spiritualium nuptiarum convivio geri-
tur, in quo Sacerdos infundit in calicem
vinum aqua mistum, quod ipse Domi-
nus, unâ cum Sacerdote convertit in
suum sanguinem pretiosissimum, ut hac
ratione, fidelibus indulgeat, eosque
confortet, ac ferventis amoris
vinoinebriet.

II. DIE

II. DIE LUNÆ.

De convivio apud Pharisei Principem.

1. *Consid.* Quomodo Christus à Principe quodam Phariseorum invitatus, præclara tradiderit convivis humilitatis documenta, adeo ut unus ex illis diceret, Luc. 14. *Beatus qui manducabit panem in regno Domini.*

2. *Consid.* Quomodo Christus (ut huic respondeat) affert parabolam hominis, qui multos invitavit ad nuptias, sed iis sese excusantibus (1. ob villam, 2. iuga bouum, 3. uxorem ductam) alios invitavit, & iis qui se excusarant, minatus est eos non gustaturos.

Applicatio. Significat beatum esse, qui hunc panem S. Eucharistiæ in Ecclesia militante comedit; quia aliter comedit in triumphante: caveant tamen alii qui invitantur, ne se excusent, quia alii humiles (ipsis exclusis) admittentur, neque alii deerunt in domo.

D. N. I.

III. DIE

III. DIE MARTIS.

De convivio S. Matthæi, Luc. 5.
Matth. 9.

1. *Consid.* Quomodo Christus post conversionem S. Matthæi, ascenderit in convivio cum aliis publicanis, & quamvis Pharisei murmurant, non tamen abstinuit ut peccatores converteret.

2. *Consid.* Ad murmurationem Pharisæorum de conversatione cum peccatoribus reprimenda, adducit exemplum filii prodigi, cui converso pater occidit vitulum sanguinatum, & fecit convivium.

Applicatio. SS. Patres per vitulum sanguinatum intelligunt carnem Christi, quæ in hoc sacramento datur etiam peccatoribus, sed iis qui pœnitentiam de peccatis egerunt, quare pius pater non dedignatur cum iis comedere, & proprium ferculum communicare, scilicet seipsum.

IV. DIE

IV. DIE MERCURII.

De convivio Zachari.

1. *Confid.* Quanto desiderio optavit Zachæus Christum videre, ut præcurreret, ascenderet in urbem sycomorum. Hinc Christus ei descendere jussu denunciavit, sed eo die apud ipsum velle manere.

2. *Confid.* Quod magna fuerit facta in tota illa domo mutatio, ad eum ut Christus eam prævidens dixerit: Matth. 19. *Hodie salus huic domui facta est.*

Applicatio. Ut peccator (qui extra se ambulat per res hujus mundi dispersus) intelligat per pœnitentiam ad seipsum redire, statim enim Deus core ejus ingreditur, & in hoc SS. Sacramento integram præbebit sanitatem.

V. DIE JOVIS.

De convivio 5. Panum, pro multitudine.

1. *Confid.* Hujus simplicis plebeculæ pietatem ac devotionem ut Christum sequeretur etiam in solitudinem, neglecto cibo, &c.

2. *Con-*

PRO DIVERS. TEMP: 483

1. *Consid.* Quomodo Christus hujus populi misertus curam suscepit, dans ei nunc 5. nunc 7. panes & multum superfuit.

Applicatio. Significatur hoc Sacramentum in quo 7. continentur ad salutem nostram pertinentia, Christi corpus, 2. sanguis, 3. anima, 4. divinitas, 5. dona gratiarum, 6. virtutum ejus, 7. meritorum ac satisfactionum thesaurus: & postquam desideria omnium communicantium explevit, adhuc quod superest est infinitum ut alios infinitos (si adessent) posset satiare.

VI. DIE VENERIS.

De convivio Simonis leprosi.

1. *Consid.* Quomodo Christus tanquam benignissimus medicus non dedignatur mensæ assidere, & manducare eum Simone, qui fuerat antea leprosus; nunc erat sanus: vel cum Lazaro, qui antea quatrduanus fuerat, & foetidus: sed à Christo suscitatus.

2. *Consid.* Quomodo huic convivio intervenerit Magdalena (à 7. demoniis per

per Christum liberata) ut lacrymis rigaret pedes ejus, crinibus tergeret, & unguentum pretiosissimum super ipsius recumbentis caput effunderet.

Applicatio. Non aliter modo in hoc sancto convivio agit, dum eos, qui antea peccatores fuerunt, sed modo sese emendaverunt, ac vita gratiæ vivunt libenter admittit. Delectatur etiam, si in hoc convivio, pretioso devotionis unguento ungetur, quando omnia nostra in ejus obsequium offeremus.

VII. DIE SABBATHO.

De convivio ultima coena.

1. *Confid.* Quomodo Christus una cum Discipulis, comederit initio agnum paschalem veteris legis igni assum, cum lactucis agrestibus, aliisque caeremoniis olim à Deo præscriptis.

2. *Confid.* Quomodo idem Dominus comederit alium agnum non jam typicum (qualis fuit,) sed agnum Dei verum) corpus scil. ac sanguinem suum, sub speciebus panis & vini) assum jam non igne externo, sed igne purissimæ charitatis.

Appli-

Applicatio. His verò actionibus, Christus nobis significat, optare se, ut qui communicaturi sunt, prius eum comedant spiritualiter, considerantes, eum fuisse assum igne suorum tormentorum & cruciatuum; gustasse etiam amaritudinem suarum afflictionum. Ideoque in ipsa institutione hujus Sacramenti dixit: *Hac quotiescunque feceritis, in mei memoriam facietis:* Deinde idem Dominus sacramentaliter (post talem præparationem) sumendus est, ut participes fiamus dulcissimorum redemptionis nostræ fructuum, qui dignè cum sumentibus concedi solent.

MEDITATIONES SEPTEM
pro tempore Quadragesimæ.

Quoniam hoc Sacramentum (ut paulò ante dictum) est memoriale passionis: ideò singulariter hoc ipsum in Quadragesimæ tempore quo Ecclesia passionem Domini recolit, celebra-

SUM.

I. DIE